



**Petri Venerabilis Abbatis Cluniacensis; Illvstrivm
Miracvlorvm Libri II**

Petrus <Cluny, Abt>

Coloniæ, 1611

XXIII. De defuncto milite, qui ter apparuit cuidam presbytero.

[urn:nbn:de:hbz:466:1-64969](https://nbn-resolving.de/urn:nbn:de:hbz:466:1-64969)

*Monia-
liū clau-
sura mi-
raculo
approba-
tur.*

quæ nunc locuta est, mulieris, recede-
gnis pestifer ab ancillarum Dei habita-
culis, nec damna aliqua ultra inferre pre-
sumas. His à pontifice verbis prolatis,
sicut mihi testificati sunt qui viderunt,
repente immensitas flamarum inuisi-
bili virtute repressa, velut ferreo muro
obstante ultra procedere non potuit, &
absque ullo humano subsidio; absque a-
liqua pluiae gutta, incredibili celeritate
semetipsam extinxit. Sic magnifico atq;
insperato miraculo, sanctarum proposi-
tum mulierum sibi bene acceptum esse,
diuina pietas comprobavit, & veræ fidei
merito, omnia possibilia credenti, sicut
in Euangelio promiserat, demonstra-
vit.

*De defuncto milite, qui ter apparuit cui-
dam presbytero.*

CAPUT XXIII.

ME MINI me superius promi-
sisse, quod visiones siue reuelationes defunctorum, quas in
Cluniaco vel circa contigisse audieram,
primo ad mediū deferre: & sic illis, quæ
de proximo cognoueram præmissis, pe-
detētim ad remotiora stilum transferre.

Quod

Quod quidē ut institueram agere cœpi,
sed alijs de eodem loco narrandis mira-
culis inuitatus , aliqua non minoris ut
credo vtilitatis interscere volui. Quibus
explicitis, iam ad ea quæ proposuerat sti-
lus ordinatè recurrit. Superest adhuc in
Vicanensi pago Presbyter Stephanus
nomine, vir inter multos sui ordinis vi-
ros honestatis & religionis fama præcel-
lens, qui mihi ea quæ dicturus sum vera
esse, fide interposita coram multis , qui
mecum erant fratribus, retulit. Quæqua-
se vidisse dicebat, ipsum introduco lo-
quentem, vt non à me, sed quasi ab i-
psō qui mihi primo retulit, audiatur.
Miles (ait) quidam de castello Moras.
Guido nomine, in prælio vulneratus, in-
deque domum reportatus, ad extrema
pe uenit. Ad quem cum lecto decumbe-
ret, proprius eius Episcopus Viennensis
scilicet Archiepiscopus Guido, qui post-
modum Romanae sedi præfuit, visitandi
gratia venit, atque pastorali solitudine,
vt peccata sua confiteretur, admonuit.
Aderam & ego ad quem cura illius
post Archiepiscopum spectabat, & quem-
secum ad illam confessionem audien-
dam retinuerat. Confessus est æger fide-
liter peccata sua, quantum ei ad confi-

tendum memoria suffragari potuit, atque à Domino Archiepiscopo solēniter absolui meruit. Qui paucis iaterpositis diebus defunctus est, & iuxta quandam Cluniacensis iuris ecclesiā Mantulam nomine tumulatus. Contigit post hæc non multo tempore elapso iuxta syluam quæ supradicto castro de Moras adiacet, meridianis horis me iter agere, cum ecce subito quasi immensi exercitus strepitū post terga mea audio. Cuius timore perterritus, contiguam syluam occultandus ingredior. Cumq[ue] in condensa illius me immergens, tali ut putabam in loco resedisse, vnde videre transeuntes, nec videri à transeuntibus possem, multo armatorum agmine prætereunte, astitit repente coram me miles quem supra defunctum commemorauit equo insidens, scuto pectori anteposito, hastæ militari innixus. Quem ut vidi primo, exhorui. At ille me perterritum intuens: noli ait metuere, quia non ad incutiendum tibi timorem, sed ad rogan-
dam misericordiam huc veni. Pro peccatis meis dira tormenta patior, & maximè pro duobus, quæ dum cetera confiterer, oblitus sum. Horū vnum hoc est, quod olim cū quibusdam alijs militibus

cimi-

cimiteriū quoddam in quo quamplurimi vulgariū ob maiorem securitatem se ac sua contulerant infregi, ac bouem vnum rustico cuidam violenter abstuli. Item terrae quæ mei iuris non erat, iniustas exactiones imposui, quas ab inhabitibus multo tempore mihi reddi coegeri. Rogo ergo ut fratrem meum Anselmum adeas, eumque ex me depreceris, quatenus ablata, vice mea restituat, eisque quibus iniurias intuli, pro me satisfaciatur. Quod si fecerit, à poenis quas patior absque dubio liberabor. Sed noui ego fratris duritiam, & quod tibi ista referenti nullatenus acquiesceret. Sit ergo quod dicturus sum tam tibi quam illi in signū, ut de re certitudine, nulli vestrū liceat dubitare. Scis ipse pecuniam, quam in arca repositam habebatis, & qua ad sanctū Iacobum ire disponebas? Hanc cum domum redieris, inuenies furto sublatam. Apparui insuper antequam ad te veniam, Guilielmo noto tibi militi de castello. Moras in ipsa domo sua, à quo yniuersa quæ tibi nunc à me dicta sunt, postquam requisieris, audies. Dixit hæc, & statim ab oculis meis evanuit. At ego timore cumulatus, & quia cum mortuo verba contuleram de vita diffidens, inde

E 7

quam

100 DE MIRACVLIS

quam citius potui, recessi. Domum w
veni, arcam meam fractam, & pecuni.
am, quam dixerat, sublatam inueni. Mi.
litem cui se loquutum indicauerat adij.
& ab eo cuncta quæ dicta fuerant, ver
esse cognoui. Fratré autem defuncti adire
facultas non fuit, quia per dies aliquot
absens extitit. Interea dum quadam die
se familiari vrgente, iter agerem, diuerti
in amœnum locum securus viam, ubi sa.
licum magna multitudo quasi cuiusdam
syluae secretum æmulabatur. Ibi ergo
paululum requiescere volens, cōsedi. Nec
mora conspicio iam dictum militem ar
ma solita præferentem, mibi astare. Cum
que ego duplicato timore turbatus, in
verba prosilire tentare, prior ille : Ha in
quit Domine Stephane, quæ bonum
nuncium quem pro salute mea fratri di
rigerem, vos elegi. Putabam eisdem vos
mihi compati, sed ut video, quomodoli
bet me habeam vos non curatis. At ego
multò magis aducto timore, ut potui,
respondi. Non inquam dissimulādo quæ
rogaueras distuli, sed quia fratrem cui me
direxeras nō inueni. Iā verò ut discesseris,
absque mora aliqua ad eum ibo, & quæ
primò rogaueras indicabo. Obscurio tan
tum, ut celeriter discedas, quia valde cor

ETICUM.

meum tui visione turbatur, neque me
tecum diutiū confabulari patitur. Nihil
(ait) tibi formidandum est, quia ut iama
dixi, non ut ego tibi noceam, sed ut tu
mei miserearis ad te venire permissus
sum. His dictis disparuit. Ego autem mul-
ta formidine compulsus, & nequaquam
ultra legationem iniunctam differre au-
dens, ad sēpe nominatum fratrem de-
functi cum milite cui se reuelauerat ac-
cessi, eiique cuncta per ordinem quæ fra-
ter mandauerat narraui. Ille vero ut ho-
mototus mundo deditus, aut non cre-
dens, aut parvipendens, quæ à me au-
diebat, respondit. Quid ad me de anima
fratris mei; habuit ille sua quamdiu vi-
xit. Quare non pro se his quibus ini-
rias intulerat, satisfecit? Videat sibi. E-
go peccatorum eius poenitentiam age-
re nolo. Hoc ab illo accepto respon-
so, discessimus. Pauci dies transierant,
& ego in domo mea solus residens,
ea quæ videram mecum mente versa-
bam. Cum ecce subito sēpè nominatus
defunctus, non iam in equo, sed pedes,
non armatus, sed inermis mihi assiste-
re visus est. At ego nimio terrore fe-
rè in amentiam versus, in hæc verba
protrupi. Ex parte omnipotentis Dei

&c om.

& omnium sanctorum eius, adiuro te
quicunque es spiritus, ut discedas, meque
tantis terroribus exagitare desistas: & il-
le. Quia (inquit) taliter de aduentu meo
turbaris, scito quia me ulterius in hoc se-
culo non videbis. Adhuc tamen tertio
me tibi Deus apparere voluit, ut quod
per fratrem nequeo, per te consequi me-
rear. Debes & tu si benè perpendas, plus
fratre, mei misereri. Ille enim frater carna-
lis, tu pater in Deo fuisti spiritualis. Et e-
go. Faciam inquam & ipse pro te quod
potero, festinato tantum, oro, discede.
Post quæ verba, statim ab aspectu meo
subtractus est. Mox ego inde discedens, ad
rusticum cuius se bouem abstulisse dixerat,
iui, eiique bouis ipsius pretium reddidi.
Nam & quis esset dixerat, & ubi man-
ret indicauerat. De sequenti autem nego-
tio, quoniam vires meas excedebat, nihil
agere præualui. Collecta tamen presby-
terum multitudine, in dicta die, solen-
nia Deo offerri sacrificia feci, eleemosynas
que pauperibus pro posse distribui, mul-
tosque tam clericalis quam monastici
ordinis viros, ut pro eo Domino
supplicant oraui.

Notæ:

De